

四庫全書

集部

欽定四庫全書

集部

容春堂續集

目錄

卷二

詳校官監察御史臣曹坦

中書臣劉源溥覆勘

覆校官中書臣康儀鈞

校對官中書臣潘庭筠

賡錄監生臣姚元烺

欽定四庫全書

容春堂續集目錄

卷一

辭賦

古詩

歌行

卷二

五言律

五言排律

五言絕句

卷三

七言律

卷四

七言律

卷五

七言絕句

卷六

奏議

卷七

奏疏

卷八

雜著

卷九

雜著

卷十

記

卷十一

記

卷十二

序

卷十三

墓表

卷十四

傳

狀

碑

卷十五

墓誌銘

卷十六

墓誌銘

卷十七

書簡

卷十八

祭文

欽定四庫全書

容春堂續集卷一

明 邵寶 撰

辭賦

五首

古詩

二十首

歌行

九首

辭賦

見海賦

邑博蒲陽鄭君大節以其所自號見海者屬予為記
予再詢焉而莫得其指遂托客語賦之君名士烈以
武爵遜其弟而自力於學夙爲蒲君子所重今敎吾

錫諸生以爲得師焉

鄭子世居閩海之墟朝夕出遊與海周旋乃以見海名乎其室意若自誇謂人莫識客或問焉鄭子曰惟物無算而目有涯人習所見遂忘其他故依山者友於麋鹿濱水者侶於魚蝦越潮群弄蜀日旅譁相齊人之於管晏見或幾乎坎蛙我非河伯方以自懼而奚敢誇哉客曰海於兩間爲物最鉅乾端是涵坤倪是據子既見之觀超寰宇胡不日遊高明而卑以自喻非海若之見喚

乃心何疑乃言何遽鄭子曰海兮海兮源源西來吾莫
知其所從茫茫東遊吾莫知其所窮徒望洋兮極目渺
十渚兮三峯而况乎桑枝之日鵬背之風彼有謂夫蠡
測將吾見兮無同客笑謂鄭子曰吁有是哉岷嶓崑崙
其上無垠尾閭歸墟其下無餘孰沂源兮汎委見大海
之非水乎今夫一勺非少九澤非常多海兮雖大如道眼
何子不聞乎孟曰如是孔曰如斯子能求之海兮汝師
於是鄭子歛衽其容有改對客矢詞謂予不恠有如此

海

思山翁辭

草經言何首烏二百年者號曰山翁予采之山中未得也故思之

山中人兮踰上壽飲石泉兮臥巖竇女蘿衣兮薜荔裳朝殮霞兮夕白雲以為覆百草絲兮與鄰子獨友兮三秀世莫知兮已哉孰姓予兮何首

山中人兮予所求夢悠悠兮絲昭昭叶操予鍤兮登高邱聊盡日兮延齡招松喬兮千秋山中人兮盍從我遊

水仙

若有人兮江之中委翠帶兮含天風歛玉顏兮掩春露
婉清揚兮誰容漢之北兮湘之東將帝子兮吾從汀有
蘭兮岸有芷恨千古兮如水

雲莊十石辭

見素公之作雲莊也其下上左右前後有石維十其
名刻皆出公意張元玉以請文見公得達觀焉歸以
語寶寶聞之如陟降其間石為之辭

仰高

有石兮山巔尺尺兮青天日延企兮愁予何星辰兮渺然

一快

左予顧兮騁懷下方忽兮雲闊坐商謠兮擊石見雙鶴
兮飛來

臨滄

山北顧兮又東雲冥冥兮海濛濛扶桑睞兮安在空嘆
息兮桴翁

雲莊

山蒼蒼兮白雲白楊風兮夕曛懷伊人兮終古秋吾黍

兮春芹

見素洞

夫何為兮此峯中研然兮有容雲紛紛兮在下欲躋攀
兮馬從

青野

雲際兮山麓原離離兮芳荼天風起兮樵歌思幽人兮

在谷

碧山

目宵宵兮天涯岑遙碧兮參差望重華兮未極渺何方
兮九疑

後樂

夙遊兮四方江湖兮廟堂睠茲洞兮吾老何憂心兮可
忘

隱屏

晨筭兮墓前夕次兮墓左有石兮如屏棲棲兮隱我

拱北

有石兮應星萬古兮北向夕下拜兮老臣有天臨兮在上

徐太史薜荔園辭

十三首

思樂堂

為山兮旣仞為池兮亦尋宛水石兮斯在昔之人兮此心水汪汪兮石磊磊嗟伊人兮不待堂旣構兮像懸我

山嶽兮池海

水鑑樓

樓吾俯兮清流流之匯兮幽幽日徘徊兮延佇將舍此
兮馬求

風竹軒

庭翛翛兮疎竹廻巖風兮鳴玉軒吾倚兮無言羌獨歌
兮淇澳

蕉石亭

蕉被被兮石_直_蘆紛滿亭兮芳菉芳菉兮柰何懷佳人

兮蹉跎

觀耕臺

臺登登兮山上田_畇_畇兮山下叶穡日力兮君欣君復

閔兮農之苦

薔薇洞

菉葉兮朱英叶洞窈窕兮若房帳青春兮遲暮猶有寄

兮餘芳

荷池

采采兮荷華西之渚兮東涯水天風兮香遠淹中洲兮

日斜

留月峯

月明兮峯景旣東兮復西指佳期兮夕騁扣環寶兮栖

栖

通冷橋

澗將斷兮有石下潺湲兮玉聲步旣度兮返顧予焉知

兮何情

花源

武陵胡然兮震澤隈花與水兮汎復洄悵尋源兮不見
見水流兮花開

石假山

屹有峯兮湖之中石際水兮叢叢彼日夕兮浪以風於
我石兮撞春猗茲望兮南東誰此池兮此峯峯之下兮
湖通盍觀兮焉從善齊物兮若翁

柏屏

結瓊枝兮若屏歲云暮兮青青春風起兮烟霧翠為雨
兮載零

釣磯

有磯兮水濱俯幽藻兮青蘋魚鱗鱗兮迎予夢烟月兮
十春

天齊淵

東方有淵名天齊一氣下上降復躋乾坤生意從東肇

何處山川非地竅漢家八神宗者淵有祠稱天今幾年
巍巍惟天山嶽嶽巫史紛紛不知錯

軒轅塚

黃帝已仙今有塚武皇一語群臣懼衣冠葬者對謂誰
千載似為方士俑諛臣誕謾不足非有塚豈徒冠與衣
董生汲直乃安在牖納空嗟失此機

嵩呼曲

何處聲聲萬歲帝升中神靈會谷中人或有呼新垣平

何代無萬歲聲嘗屢見楚東城漢前殿帝方信臣敢疑
嘯也歌樵牧知

二馬篇

燕昭王
主慕容皝

生馬銅鑄像死馬金買骨生像未置門死骨終埋窟國
當冀野君知馬一心真一心假一稱驥德一招賢異事
流傳今幾年但聞當時有郭隗馬知後世無優旃

明妃怨

無金賂畫師幸免入宮妬誰知出塞愁却以無金故望

望紫臺沙萬里妾無一生有二死一死絕呼韓一死謝
天子謀身不易謀國難只尺眼迷青與丹琵琶合向婁

生彈

臥龍起

鼎三分臥龍起表兩陳臥龍死老龍躍方未遐少龍變
乃為蛇臥龍噓已成雲雲不雨天昏昏萬古恨臣無君

君謂
後主

飲酒

歸來歸來飲酒飲酒東風吹綠門前柳春光媚人我何
有夢中境醉中身百年自作羲皇人

山人歸

白衣山人入山去黃衣山人留不住臨別無言還有心
有言不似無言深山深人遠心只尺雲去雲來本無跡
相見無期兩相憶

饒娥哭

父溺死女死哭醜類從尸浮應有神為戮人心誠水神

靈溺者今何限不聞號慟聲水怪水怪方縱橫

讀元史

大都圖籍帝使收羣儒秉筆誰春秋仲尼可作史可修
如不可作還固之例吾當求不然吾將為夏游

蜂塚嘆

一蜂存衆蜂止一蜂亡衆蜂死塚累然胡有此一蜂君
衆蜂臣誰謂蜂不如人

棄兒嘆

棄兒水中兒不沈揮篙指水恨不深妻罵夫忍心餓死
死明日溺死死在今妻罵夫真忍心

繡嶺壽藏四景

左石

有石有石其形厖厖且偃蹇名宜牀篆題者冰刻自唐
介我雙松左壽宮叶風來松間如鼓簧客撫斯坐長蒼

蒼

右松

松兮離立兄及弟矣二龍乘雲獨未離乎地也古亦有
言維德不孤賢哉大夫我作壽域宜有此夫

前泉

我泉我池源源其來叶我池我泉不絕涓涓既清且漣
匯于我前何千百年

後嶺

嶺兮如屏孰為之繡彼桃萬株厥亦惟舊山之蒼蒼朝
煙夕霞千載武陵非仙家邪

寄題湖南汲福井

方伯周公儀視
我井記有作

昔之日此井竭今之日此井渫水由地中功上出叶往
來汲汲寒泉冽六月焚如道無渴叶君不見朝宗江漢
在此州水哉能止還能流召棠蔽芾今歌周

觀水謠

東南風湖水生西北風湖水落昨日今日皆天風不見
水往來但見郊原成一壑海深如不容洪流橫復縱都
水使者難施功三江不為江震澤不為澤岳陽何處樓

長嘯洞庭窄君不見山東不雨夏接春赤地千里還愁人

秋日謁張中丞廟有感

睢陽令錫陰廟唐室功宗我明詔公神如水行地中掘井得泉本無寢萬古丹心天日照君不見毘陵在宋唐睢陽歸然保障東海傍至今遺恨國不弔忠義祠前一

辦香

題買糕陳孝子卷

昨日一糕今日一糕明日又一糕三年不為久卅里不爲遙仙人不在楊涇橋靈藥不在葫蘆瓢苦哉孝子心一念通神霄

代風答台人謠

台人謠纔十五字而天道炎涼人事貧富之感委曲殆盡且含

蓄不露得諷之體焉孰謂詩不出人心哉夜坐聞王生子春誦之輒為代答台人謠云風

風何不公胡奏差家過夏我家過冬

風風無不公高堂若無夏破屋元有冬

荆葵嘆

麥萎太半荆葵多不獨稂莠妨嘉禾荆葵作粉堪食餓
稂莠稂莠無一可嗟彼小人無才為稂莠有才為荆葵
大都害君子觀物興予悲荆葵多勿復道四蟲恣食三
秋老

周文襄公頌

我懷文襄古之遺愛去公百年典型猶在惟遺愛一言
寔自仲尼稱鄭之僑今千載餘繼者何少子產初政人
欲殺之歌者如水及再歌也又恐其死公之始至白地

有謠經營宣力二紀三朝苟利於民遑卹在已我思古人子產哉是儻名山嘉樹孰非甘棠勿翦勿伐公貌在堂我門于題於戲不忘

古詩

修廟學詩

翼美郡丞范侯也侯以御史張君檄有事於我廟學亟成而度諸生歸德焉

翼翼廟學維邑于教弦斯誦斯自昔斯肇有宮有牆有

壇有堂孰今斯荒乃或不饗 御史來視盍修曰亟彼
淫是駁亦維我職我其敢解叶我材孰資其萃有丘叶

孰其我釐維范侯是咨 瞳瞳范侯維秦之彥旣左京

尹徵文考獻乃躬克踐矧是政先侯不是共侯曰爾吏

爾徒爾工 曰斯斯石曰斯斯木乃楹乃桷枉矯端復

乃髹乃塗乃朱乃綠祭有麗牲射有栖鵠 古人有言

勿亟日成侯旬侯月亦莫我愆程 源源泮水下通于

溪我廟維東我學維西有峩者閣登登其階叶共維聖

謨式崇于介是訓是稽 既考乃畢有酒芬苾有禮秩
秩有碑紀功惟長御史之筆 御史崇正詔有德音
我侯承只式如其心庶士向風叶 維我衣冠其觀繼
繼就不侯繩而未克旣小子作詩敢曰能雅是篆是歌
以告來者

翼九章三章章八句三章章九句一章四句

二章章五句

春思集古四首

老母方病辭疏
未報緬懷良友

其一

感物多情思借問此何時朝霞開宿霧高楊拂地垂日
華川上動流鶯復在茲上山采瓊藍君在天一涯

其二

丹霞蔽陽景白水滿春塘庭中有奇樹含英揚輝光逍
遙獨延佇仰視浮雲翔東風搖百草渥露沾我裳

其三

維昔逢休明朝遊登鳳閣端飾相招攜未嘗廢丘壑且

還讀我書極望無崖崿遙心逐奔龍雙闕百餘尺幽緘
候君開晦明如歲隔盈盈一水間勤思終遙夕

其四

青春速天機時與賞心遇閨草含碧滋開花已匝樹風
簾入雙燕緬映石壁素物我俱忘懷媿無古人度

集古寄浦文玉

十載朝雲陞長安游上才猶憶嚴冬月蕭條江上來暮
春和氣應獻策抒中懷阿閣麗朝日鳳鳥方翔迴豈不

念良友遠在天一涯我亦疲我夢登登九成臺

春晚獨步

萋萋春草繁夕陰結空幙升月照簾櫳曠野增寥索纖纖如玉鈎夜移河漢落衆星環北辰悠悠方儀廓安得恒逍遙游原采蕭藿

春日獨坐

暮春和氣應養痾亦園中心跡雙寂寞啓扉面江南
一觴雖獨進情深意彌重桃李成蹊徑青林結冥濛愛

叶

金匱要略 卷一
而不可見永懷求羊蹤

斷筍

一斷復一斷山中筍如玉簣龍有嘉名頭角方簇簇朝露晞午風清磬旁紛郁納之紫筠籠瓊筍以為束持歸獻慈親一笑不知肉

答盛漢臣

不見希齋翁門人見水石別我十年餘新詩慰春夕高空謁晴雲君才似張籍又如帆風江千里指南極山中

有流泉曲處堪布席一盃欲共君古風久寥寂

新泉效李白體

閒人有幽賞乃在山下泉水聲六月冷白石淨娟娟倚
杖對青壁上有瑤柯懸海天三百里一勺方流涓仙人
陸鴻漸遺世已千年芳骨如可起裹茗談烹煎

懷五老峰寄趙博士立之

落落復落落泛舟蓉湖西安得五綵虹上聲架天作長梯
南望瀑布水舒卷青雲齊上有五老者翹翔紫雲霓具

寄一書札浩思極冥棲楚謠對芳草蒼然夕烟迷

觀泉巾

織駿復織駿制此頭上巾有名合從我我是觀泉人無
纓不須濯山中况無塵百坡既已夥一角亦非真蕭蕭
九峯雨秋風送涼新吾自愛吾物悠然夢千春

靜懷

人譏不能休我患不能仕仕豈薄領間所執諒有以古
人復何人渠恥予亦恥老恨幼學疎病怪虛名起聖明

無遐遺只尺千萬里儻念將母艱綵衣又茲始

秋夜

青天一片月萬古中秋期我生自能視六十一遇之孩
童不足論弱冠始有知有酒不能飲而况能吟詩天道
有陰晴世途多別離高思華峰頂曠憶滄江渭幽居未
成往對影空嗟而今逢聖明運適我病起時東亭海雲
散寒光益軒墀邀我平生友清尊復在斯今夕如不樂
問君欲奚為

題鄒氏恒貞卷

恒貞有吉占易為婦人告從一亦何占我心匪陵谷五十被旌書六十受多福之母古碩人百年潔如玉

熊女詩

西平張氏女未嫁而哭夫以死予在許嘗為傳之今見少傅王公所為熊氏女傳其事蓋類予於是悲夫二女之不幸而嘆其貞義之皆過人也遂託言為詩以附傳後庶幾萬有一於女之心乎其詩曰

古人重掛劍為不負初心妾身非劍比一諾千黃金誰謂妾無言有言出母口誰謂妾無書有書出父手未見悲益深空房甘獨守白日一何遲黃泉一何遠妾豈不愛生所恨從姑晚衛女先我心適齊不中返

點易臺待月

十一
夜作

待月月在天待明不待上月明松影來風靜流泉響與客談羲文乾坤入指掌山中本無塵况有出塵想雲崕去我近只尺三百丈歸歟興未闌月色隨藜杖

遺慕為許直賦

父死兒未生兒生不知父問母父形容十問還九誤一
念自提孩哀哀到遲暮我作遺慕篇悲歌動行路

和陶韻

何司空燕泉作委心亭於部署摘陶詩中語和韻四首見寄用韻復之

真想

摘經曲阿語

壯志邁千古盡讀天下書北登黃金臺四顧意曠如獻
策見天子致身在雲衢喬木凌霄漢落落影扶疎周行
數萬里翶翔復繁紜敘遷歷中外今望長有餘橫流須

巨石公也孫不居渠渠猶夏屋建業亦多魚真想和陶
什不為韻語拘俯仰天地間何方不蘧廬

遙情摘游斜川語

無才有積病我負二宜休五十為親養懇乞江東遊入
愛萱草榮出欣泉水流野服聽滄浪近有忘機鷗前時
堂中人今為山下丘一拜扶兩僕敢望夔龍儔豈不念
上德萬一涓埃酬長揖謁廷陛此事今有不近步亦藜
杖遙情抱幽憂柴桑有遺矩吾當此中求

卷一

卷一

宿好
口語
摘行塗

闕

上有千竿竹碧影翻堦墀我歸自南省方當靜脩時挈
我二三友講斯復游斯晝誦掩虛室夕眺摩殘碑古琴
弄淇澳賡以南風詞別去三十載往往夢見之圃蔬未

足歎傷哉草離離西游且北覽何以慰夙期雲生志復
舊作堂請新規我昔寓白鹿嘗以圖志來叶願言植嘉
木綠陰散繁枝媿茲未能賦聊作林堂詩

巨然山寺圖用虞邵庵韻

古寺據崇嶺亦復設遠關中有苦行僧終歲不下山長
松結深靄釐然界塵寰雙瀑落懸厓澗聲日潺湲殿堂
樓古佛長有雲半間閣登一縱目目過心自閒朝送白
雲去暮迎白雲還

夢藥詩

數月前夢一人戴唐巾倚石壁坐俯而謂予曰子之疾得地登服之可愈也予進問登字狀遂畫予手中予宿而檢之方書未見也遍訪諸老醫亦莫之識近蕪湖榷司有吏來偶問及焉而得其出處形象并服食方法禁忌越明日有來獻者予感夢之應似有神人主之遂作是詩

醉後謝山翁夢中聞地登仙人戴唐巾飄飄髮垂領口

誦復掌畫除子舊疾疢覺來檢草經逢人輒言請爾來
數月餘笑我捕風影人從蕪湖來自謂能記省此物出
巴陵近始露芒穎不知掘者誰殆如金出礦或將湯液
之神功在俄頃某也病中風不死亦天幸林居十五年
吾亦愛吾脰從茲矢長服不敢一日屏

謝馮僉憲惠文石

昔見石如松今見石如竹如松紋在皮如竹紋在肉縱
橫金錯刀凌亂錦一幅置之山亭中為案比青玉焚香

對初陽古書時展讀問之贈者誰仙人粲山麓欲報何
所將寒泉手堪掬

石如松皮者在
浙江紫薇樓前

煎茶寄吳封君

濁醪有妙理清茶尤苦心采茶陽羨陽汲泉惠山陰秋
水碧如玉百沸成黃金此中亦何味請聽希聲琴陸羽
久僊去千載空遺音盧仝不言法七盜最獨深吳翁二
子流清風起山林陶匏介鑪竹煎竟還自斟京師一飲
我再飲荆溪尋邇來雖累寄烹心事吾誰任報君一啜水

擿石仍中沈臨發更致語新火君當尋

歌行

石牀行

石牀故在惠山寺佛殿前成化初邵縣丞性移置聽松庵予以隔牆有二老松

又移置
其下

惠山石牀古有之聲聲松子金風時皮休題詩李冰篆
千秋并作山中奇山庵之名本緣此石也移來應偶爾
遊人玩侮等尋常識者共憐非所止牆西松樹幾百春
大圍三人小二人此松此石雅相友乾坤無心物有神

二泉山人愛觀物謂物皆然胡獨不立破頽垣遣往參
却笑他年兩湮鬱君不見赤松子黃石公姓名久落荒
唐中酒酣擊節發清嘯春深繡嶺迴天風

寄題閣老費公至樂樓

黃閣仙人天上還幽興却寄溪山間橫林深處起重屋
別有眼界非塵寰群溪東來向西去流到龍溪兩傾注
白雲飛盡見三峯政在先生倚闌處乾坤一覽萬古心
北南名勝皆登臨子長胷次仲淹思每與山水增高深

豈知几案有至樂歐老詩如爲公作先人種樹今數圍
槐影重重松落落陽春坐我還清秋靜觀萬物成天游
半江露白月照水兩涯草碧雲生洲我行湖東數過此
尚憶清揚在中沚病餘偶接季方書世事茫茫公老矣
歲月無端白髮多江湖地遠心如何蒼生未起謝安臥

溪上往來空棹歌

三門行送劉學正赴陝州

劉君景儀司吾錫訓
八年今之陝也作三

門行送之三門舊傳即底柱都太僕造而觀焉始知二山近而不相屬頃嘗為予言故因

以起
興云

君不見黃河之水從西來東行萬里到陝郡有石橫亘
勢欲迴天教禹鑿三門開百川風雨萬壑雷下孰為之
挽上孰為之推當時神禹何不一鑿去留此險阻胡為
哉玄敬爲予言神門在中人北際鬼門居南不可濟水
爭石闢兩無情地險天生難盡棄乾坤萬古一奇觀節
宣亦爲狂瀾計不然下此復有底柱山形如灔澦當江
間應愁一倒不復還識者觀風似觀水作人之道固如

此寥寥古調數千年青眼高歌對吾子

赤壁圖歌次西涯先生韻為華生雲作

長江無聲動吹萬月上東山度河漢東坡詞賦思千秋
客吹洞簫如發難興亡有恨客心苦不獨曹吳堪扼腕
漢家心腹已摧傷手足安能相救扞猛風東來水倒流
南軍北軍忽相亂天公助順不助逆若論成功猶未半
華容道遠老瞞愁周郎渡江江有㟁朝宗江漢本無心
蜀浪吳潮各分散巴丘哀罷又瘴鄉為國意忘天下患

後人弔古對江山坐遣胷中置氷炭洞蕭聲盡客何言似笑老生談熟爛百年水月坡翁心泛泛不知身在竄明朝酒醒賦初成白雪調高歌欲斷西涯居士今東坡逝矣歲星今幾換畫圖流轉到東吳詩句人將史書看華生况是知音人擊節向余三賞歎

壽毛都憲

礪庵毛公新領鄖陽之命自滁陽歸候敕符於吳於是公壽七十其壻太學生秦君國英請予言慶之予

病餘荒落無以應塞輒用已卯歲壽少傅守溪公詩韻為賦一章俾汝也歌之以侑觴獻且致予餞贈之衷焉汝予甥公外孫也

功名早擬登麟閣中歲歸來問林壑臨觀何處不江湖
范老文如為公作方今才望誰如公鄖陽節鉞南畿同
十年朝野均勞後四省兵民總制中江漢朝宗兩支水
公心耿耿真如此折衝千里笑談餘某也曾聞古君子
公無上書稱引年我爲公歌峴水篇羊公杜公各片石

更道人間別有仙中原之民望公久過我山中還飲酒
前年曾壽守溪翁侑者鑿泉詩一首春來江上多風波
船如天上聞公過白雲黃鶴武昌渚試看東流今若何

尚書臺紀夢次萬晦之韻

許有尚書臺在臨潁之野其風景予嘗聞諸故老而
未之見也一夕予夢至焉寤以告客萬晦之晦之紀
之以詩蓋于今二十有八年矣正德庚辰予作點易
臺於惠山之麓恍然如夢中所見故次晦之韻亦以

紀事云

昔之夢似今之所吾臺誰謂前無古尋常灌莽接松楸
突出烟霞三百武青雲有階人可得輕舉尤須藉風伯
小池新引露泉清大筆深刊厓石白海天佳氣從東來
一滴萬古真水哉金春玉應碧山靜道人對此方心齋
西嶺東峰擁前後一方真與乾坤久危厓鐵笛夜淒清
城市茫茫失塵垢高丘遠海謫仙詩歌聲入雲雲欲飛
先天有易本無畫誰向清溪問點為

贈東湖

東湖來自東海涯到山先拜梁溪祠梁溪先生千載士文章德業真吾師前公來時未有此我歸方浚吾泉水此時此地復此泉青眼相看更吾予草疏一飯正愧予野人忽饋深溪魚急烹入饌肥且碩此事真合牽聯書泉傍有臺名點易昔夢依稀尚能憶高丘遠海謫仙詩歌對滄茫兩無極平生知己主一翁幾回墓草經秋風因之尚論文莊葉遺錄今誰問水東

次王郡公煎茶行

今之詩伯溪上翁六年為郡聲隆崇一清如水比泉德
餘興却慕茶仙風貪夫見公不自省公眼白兮心非膏
詩來遣吏問茶法茶法酒法將無同酒成麴蘖過乃敝
酒之甘苦茶淡濃竹爐石鼎文具耳妙手只在調和中
大才於物無不可豈以一藝稱詩工何時鼎鼐入公手
漢室行徵黃次公惠山泉上節屢駐甘棠勿伐何叢叢
公雖愛酒不如晉茶乎誰許唐人全二泉山人愛泉者

欲茶每與山僧假芝歌未已復茶歌共喜山中得風雅
飲公醇者西坡篤讀書茶經猶不足烹煎未解吾何言
願乞吳翁為君告吾泉上人不欲多西推山瀑東江波
仲尼飲水別無法此味不知今若何

壽華封君七十

其子江陰少府入觀過家
得稱觴馬請題以祝之

文華侍書凡幾年權闈斥逐江南田翰林有子領京薦
飄然同上嘉興船事定移家還輦轂清風如水人如玉
百年共肅世守之雅稱東藩畫中竹君不見諫垣回首

江湖長南極星高北極光向來夷險何足道
萊衣春酒

封君堂

謝王郡公惠風折古柏用杜韻

郡公書致郡堂柏珍重真勝二千石若非風雨起秋潮
此地何人敢繩尺歲寒尚有不拔者此兩三株何足惜
相知相饋惟此物公也清廉心愈白鄙人謝病江水東
方爲吾親營壽宮貞節碑成閣老筆鬼神訶護青山空
客來勸我作亭子少蔽上雨兼傍風工師求木苦無力

得此立可觀成功小者為檻大者棟材之良矣情尤重
召伯風能為我留杜陵詩不愁誰送亭前故有兩危柯
松可鶴巢梧可鳳公材自合柱明堂歷盡冰霜終大用

題畫竹

石澗潺潺楚江曲上有猗猗萬竿菉天風時來起衆音
如金如玉皆無心繁迴成文妙天下物理相資不相假
聽之未足觀有餘春雲匝地秋天虛我行瀟湘數千里
此景隨人何迤邐誰其圖者琴川翁造化又在生紝中

披圖忽憶舊遊處九疑如烟水東注

壽毛夫人

見母之母如見母恨不百歲還千秋此心真似南山石
有酒深如東海流毛夫人秦母母德儼中丞真作友汶
也受恩獨良厚果錢藥餌遠勞心衣線誰云不親手礪
翁致政方一年夫人七十開壽筵兩階班出諸孫後百
里心懸二卣前一詞我為汝稱祝二老高堂雙碧玉庭
蘭有苗桂亦芳鳳在梧桐鸞在竹

題畫

千峰萬峰雲復雲瀑布上自天河分峯頭五老鎮長在
呦呦鹿鳴猶聲聞問之此境是何地無乃廬麓都湖瀆
平生愛此難再到空羨畫筆超塵群世人笑我太迂癖
有眼錯認南康軍蘇門少室亦曾歷卅年別後勞心魂
黃樓滕閣近城市大觀祇在江東奔畫中所見皆不類
烟霞入望徒紛紛君不見跫然空谷慰岑寂相契于心
不于跡楊郎擊節似知音大軸卷還江上客

題吳從周狻猊圖

厖然大物名狻猊丹青何處貌得之曾聞宣德有此貢
流沙萬里牽來時茜紅韞綸金鎖絡壯士如雲共揮霍
銅睛鐵額照上林守有嗇夫拘有柙熊欄豹檻海子傍
狎視群獸如群羊尋常莫試縱擒手此物驕悍無能當
上林風高秋日暮野心應爾關西路左鉗右掣不得行
一吼乾坤為誰怒今人豢虎古豢龍雲沈風鬱旨無功
狻猊狻猊嗟爾非龍復非虎飽食兀兀將安庸君不見

孝宗弘治初春秋西人貢獅南海頭數行詔下直遣去中國聖人歌我周

擒虎行

柱史朱君士光按治至宜興下擒虎令三日間得一豹二虎謂虎之首骨可為枕以祛風也遠以致予且曰願得擒虎行以旌某之功君之功猛於虎者大矣元夕燈下漫作是詞以寄之

一日擒一豹兩日擒兩虎繡衣使者到荆溪三日盡知

民病苦使君詔縣令縣令召獵戶賞格高懸網新補盡
道使君仁且武使君謂父老汝邑昔有周處公力與蛟
虎爭長雄知名落三害中斬蛟殺虎翻然改行收奇
功今人古人性本同彼哉名在丹書欲焚者能言擒虎
自效吾其從甲能獨當乙併力所不汝貸有如此溪石
一鼓再作聲如風雷山谷響應林木摧隕類欲逃安往
哉一虎復一虎一豹復一豹從今日日聞飛報君不見
山南北行人多爭和使君擒虎歌何處鄉村愁政苛

兩節婦詩

為毛黃門賦

姑哭良人十載前
婦哭良人十載後
夜深星月入空帷
一盞青燈兩相守
姑前孀居二十四
婦後孀居一十八
誰言人事有易難
兩節相成竟頑頑
姑心竹有節婦心
井無波文章師傳史
遷筆姑兮婦兮千載名不磨

許道寧秋山晴嵐圖

春山嵐重秋山少
宿霧浮烟亦昏曉
千峯萬峯爽氣生
望入虛無俱縹渺
畫圖到此須寫真
許君筆力真能神

丹丘博士有巨眼謂是晚年尤可人題詩更得鹿鳩子
萬里秋旻雙決眴本來面目見蒼厓籠罩誰加青與紫
乾坤無心四時改萬變消沉一真在古人觀物復今人
秋色無端幾千載君不見鄒君得此愛如玉長卷裝潢
更犀軸何當携上九龍巔南望湖天送孤鶩

擇庵贈周用仁

用仁初號澤庵予為易之以擇十一年於今矣今秋
之仲吾從子勲德其起危病也為擇庵圖請予詩以

謝勲病時其世父國臣及其父國政荒惑不知所出用仁謂予曰此固易為耳飲吾藥三日後當復常矣旣而果然用仁於是有仁者之功矣非其初之能擇何以與此不知用仁以為何如時高子明在坐為予點韻

擇庵擇術如擇鄰家傳醫道能通神庵中讀書二十載養得滿腔多是春春來渾氣方流轉擇庵出門無近遠獨將一點天地心厲鬼聞之亦遄返吾家諸子婉清揚

一疾偶到沉疴鄉擇庵謂此不足治坐令二豎違膏肓
我為題詩當金帛聲動東阡與西陌杏林紅映橘泉清
回首龍峯片雲白

雙松圖壽司徒秦公

一春三寄壽公詩未盡平生愛公意清秋忽展雙松圖
於我初心乃深契喬柯落落生澗阿下蔭流泉上雲氣
萬古長擰雨露天四時平視冰霜地問誰作者宋季人
一幅生綃墨尚新題詩千里應尊酒歲寒標格當青春

君不見司徒嘉績奏三載只尺天顏真簡在麟袍玉帶
照貞姿四海人方仰風采

喻太安人七十

秋官郎中純孝人慈闈中有希齡親昔從北闕乞南省
板輿迎共金陵春春光媚人鄉只尺輿出都門指無錫
翟冠象服對諸孫百有千年未終極山花有芳溪有鮮
野人時送來堂前郎中東望拜南極九峯青映滄溟天
司寇所司彝典繫平反為仁斷為義郎中持此答慈闈

萬古萱花一生意君不見西望瑤池降王母畫圖今乃
在人間人間懿德不勝述一覽春風生笑顏

爲莫臨安曰純題畫

千峰亂歷岐山青秋天悵望開翠屏乾坤何處下鳴鳥
野人漫謂山雞形姍公召伯日以遠世道江河幾流轉
生絃數尺懸我前萬古愁懷一消遣南溪之上桐樹林
君家樓高溪水深而翁登我歌且嘯有招不來傷我心
君遊江湖倘竒遇黃陵廟下舟曾住雲隱蒼梧柰望何

獨有東流可分付

耆英圖歌壽錢東湖八十

宋之洛社唐香山清風長在天地間元豐遺像十三子
千古勲名問青史西都回首但青山五百餘年那有此
檉社曾臨鄭魚圖風流今落錢東湖東湖晚隱東海上
天送烟霞入屏障年來大耋慶生辰嘉客登堂還揖讓
唐人蕭散宋人雅異代衣冠不相假君不見文潞公富
韓公好賢真有緇衣風曠世相感難相逢前有香山居

士後有東湖翁讀書堂在虞山東虹飛丹井湖波紅千
二百歲逍遙中

春滿東郊圖贈游二尹

東郊昨夜春風起千挺琅玕烟雨裏
蹲龍隱地驚新雷
踴躍出土如相催舊榦凌雲方未艾
新枝頭角居然在
章江西來浪捲空此君得水應為龍丞哉
負君君自玉
哦松之餘無不足我昔知君今更深為君題畫輸君心
君不見息齋墨妙君須識虛心如竹貞如石

惠山雜歌

六首

踏踏兒郎從老翁惠山寺裏看新鐘問道新鐘幾時撞

九秋霜落樹頭紅

簫鼓迎神神下山香煙滿路送神還安得村村無病苦

靈泉不動廟門閒

聽松庵裏雙古松松下石牀蒼蘚封洗却苔痕看古刻

志書傳是米南宮

漪瀾堂下水長流暮暮朝朝客未休縱有茶經無陸羽

空教煎白老僧頭

登登山路轉山阿須向仙人洞口過澗水滿時青草短
巖花深處白雲多

南祠忠定北文襄千古青山兩瓣香莫問前朝松柏樹
祇今何處有甘棠

容春堂續集卷一

欽定四庫全書

容春堂續集卷二

明 邵寶 撰

五言律八十首

二首

五言排律

六十首

五言絕句

四首

五言律

春雪獨坐

春雷還見雪二月不勝寒山色愁頻望梅花笑獨看窖
蒲柔怯盜畦菜凍羞盤庭草青如許因渠更倚欄

紅梅未開用春雪韻

紅梅纔兩蕡猶自茹春寒出以希爭覩開應半好看正
憐香入坐未論實登盤笑我迂狂甚巡簷更倚欄

風雨阻山行東如山

偶約山中路其如風雨何花期憐客甫茗事負僧陀柳
岸漁翁艇松坡牧豎蓑此時應入畫無計一相遇

喜子春至用前韻

千里天台客重來喜柰何郡傳一手劄

時顧台州華玉有書

兩頭陀

寒山拾得事在天台

野史操無簡山人卧有蓑隔年期故

在不放仲春過

別時嘗約
二月至此

哭楊長史宗周

五更哭聲起已矣嘆斯人留劍還知樹迴槎已失津榻
懸新月夜社散故山春咫尺橋東路相過獨愴神

張提學留精舍三日別去詩以寄之

欲盡平生語匆匆客又東山中三夜月江上片時風荒
徑芟方始寒泉汲未窮逢人詢我病莫論著書功

明水草堂次守溪王公韻

澤國連平野青山路始分草堂斜帶水石徑細穿雲月
谷三更籟風漪萬古文主人招舞鶴時起白鷗羣

述喜

聞道鑾輿返南來兩報同浮雲開北極久雨轉東風病
力慈闡下歡聲醉社中惟應操短簡日課著書功

贈吳道士

羽人偶相遇野服帶烟霞處處山中藥年年海上槎尋
常聊作客三十早辭家何日天風便蓬萊海一涯

寄憲副功甫

八載荆南使憂勤欲白頭歌聲斫地劖行色濟川舟歲
月空成晚江湖况及秋平生范老記一讀一登樓

寄夏叅議如山

書破來鴻在情深柰鼠何黃花十月雨白草九江波雲
夢荆人獮瀟湘屈子歌淹留君太久吾道竟蹉跎

避暑山中答莫如山

殘暑未受遣有詩來故人數行猶覺少三復不知頻竹

徑留題近松壇入夢新朝聞參贊語傳慰到慈親

林見素翁寄沙魚翼

翁簡云為海天
亭對月之助

遠致沙魚翼山亭見海天銀絲抽出細韭葉藉來鮮製
法留新簡嘗時賦短篇若人南斗重風味亦堪傳

月夜

長懷七月望赤壁有人遊此夜復明月吾亭如小舟笛
聲兼簫起槎影帶星流客動登高興台峯最上頭

避客

避客游山館高秋霽景鮮方修初服地况近始生年雲
影秋潭底松枝晚閣前老僧迷眼界謂我羽衣僊

出郭

雪後行南郭茅堂處處開漫投新歲刺偶接故人盃徑
指梅如迓簾看燕欲來溪橋回首地塔倚少城隈

過惠麓

勝寺遊人少春深不見春茶留僧供淡草喚客愁頻野
望時時極途號字字真吾衰敢忘世無語獨傷神

登東岡舒嘯亭復之厚本庵

春華氏先邱也

舒嘯東臯上翛然見麥秋短籬花氣煖深樹鳥聲幽
家報源源至賓齋信信留多情還弔古斜日到林邱

喜何梓材至

入城先過我應只爲論詩思在停雲地情如泛雪時風
前歌更激雨後句偏奇避暑松陰石相逢不可期

送王子春還天台

天台人欲去把酒問桃花履向山中石裾凌海上霞一

經終遯世數畝自成家更作明年約春泉共煮茶

二月八夜月

鮑翁嘗有坐月詩自七日至十六日共十首予今年正月八日欲效

為之繼以連陰弗克遂也二月八夜月光復佳而晴色勝常乃作此詩期每夜用韻如鮑翁馬不知天意如何耳

此夜看明月新晴光滿庭草邊留雨碧樹杪失煙青世事停盃問書聲隔院聽從今漸圓滿夜夜照東亭

九夜月

此夜看明月黃昏正可庭微生酒波濤輕引燭烟青小

酌元無約高歌若有聽開軒步清影梧竹兩亭亭

十夜月

此夜看明月從東漸過庭一方心共白獨對眼逾青即
有簾能卷那無笛可聽梅花未全放詩在影中亭

十三夜月

此夜看明月還過昨夜庭梅於溪上白山是雨前青光
霽真堪坐陰晴不可聽明朝詩客去何處憶吾亭

十四夜月

此夜看明月懸如鏡在庭即令心境白安得鬢絲青槎
客他年到棠歌何處聽馮誰紀佳興十日六登亭

觀泉和葉巡按

柱史心如水觀風及我泉評於唐客外詩在宋人先寒
響迴雲壑春流帶野煙閒來駐驄馬入寺不叅禪

西郭

新霽行西郭青疇接野泉小車隨水曲高屋指雲邊山
沐欣今雨湖廳憶去年浩歌乘夜月何日泛溪船

冬日與王元信訪許東廬於梅里

携我平生友東廬訪故人近來身更健靜裏趣愈真白屋支新柱烏紗戴舊巾不須談世事談罷恐傷神

青山道中

踏月青山路青山半白雲半峯如速客數月已期君
籟隨風息潮光隔渚分登臺問泉水滴滴細還聞

送張汝立

二首

塵海風波定山林徑路深閒情能對酒雅調尚留琴隔

歲論文地平生點易心歸舟經玉峽老樹晚蕭森
山中方獨吟客至共登臨城塔迴高鳥溪帆送遠林乘
槎如有約坐樹亦何心明日東吳道相思遲爾音

田司諫白硯

聞道端溪上佳人類玉成墨蒸雲氣重硃滴露華清
螭憐長濯庚庚陋大橫公心如皦日自爾獻承明

次顧與成聞與新報

安得從容語春風轉殺機尋常忘地分只尺冒天威抗

志通排闥驚魂逐褫衣他年看碣石滄海一雲礮

雨

雨坐纏三日晴遊已一冬壯懷淹閣芳潤色對庭松泥
阻東山屐雲沉北寺鐘何當擁衾起微旭在簾櫳

山中聽泉

秋日山亭上觀泉坐夕曛先聲虛谷應餘瀝小池分滴
滴初疑露源源半接雲載歌雲谷句樵子隔溪聞

存問後奉陪郡守王公小燕泉亭

公問無風安得有落葉者

或曰泉聲也
予遂賦此

落葉聲到耳流泉歌吹餘日斜群客醉山靜一堂虛能聽今逢子無言夙起予廬陵方在坐何處問環滁

次韻王郡公除夕

二首

郡閣還除夕青燈酒獨斟時情新舊歷物色短長吟草野欣風動簷階愛雪侵梅花如索笑詩思若為禁屢得徵黃報還憐借冠身清聲無漢吏惠思有周人漏轉公庭午香凝燕寢春召棠歌滿路赤子孰非親

清狂贈郭仁弘

萬古清誰聖吾希
敢諱狂甘心從飯顆
散髮和滄浪避世譏
門磬聞仙問海航
尚餘詩畫在珍賞動遐方

秋鏡堂

湖水明如鏡秋來虛映空塵消涼雨後天在古堂中巫峽簾猶遠澄江練自工載歌收潦句為問主人翁

吳封君送茶筭

人憶荊溪上茶來穀雨前兩封專走僕七盃或通仙露

罇兼將筭風漪已試泉

正月中封君嘗飲泉於此

東坡詩句在歌罷

一冷然

屬邵翁種蒲於石

片石能還水移來楚水濱仙家九節草吾室數莖春蒼溢空江露青消老眼塵憑誰了茲事西郭有閒人

移竹

醉日堪移竹南枝記得真寸金還有土片玉已無塵挺挺數君子巖巖一大人明年春雨後請看罇龍鱗

孟訓堂

談文通再遷厥居至我冉涇之東扁之曰孟訓歸其功於母夫人也予嘉其志

為作詩

三遷胎教後孟母古無前一念機能轉千秋語尚傳慈親真達者才子本超然禮樂吾方短東隣愧爾賢

西郭雨行

冒雨行西郭遙聞山下泉林迴俄鷺起草際即雲邊入寺應疑客逢農且賀年登臺望東渚箇箇泊漁船

次答馬巡按留別

達也非吾事高樓鳥欲寒湖光迎月起壁影送雲過秋
老徑邊竹春深洞口蘿勘書多暇日時和野人歌

山南道中

慣行山北路今日偶山南舟井他年汲羽人何處叅野
田棲晚穀溪樹落寒潭近午天風起重湖破宿嵐

送過司訓赴天台

浙左皆名郡惟台更古風群經芸閣上多士杏壇中祿
在休嗟老文成且送窮深山饒大木陰庇海天東

贈牛總戎

舊鎮新荒路新銜督府官九重親授節萬里獨登壇遠
計胷中定先聲檄外歡請看傳今日風采動旗竿

謝王郡公惠響器留別

君謝江湖器山林安用之魚龍迎舊節虎豹避清時剗
至起三肅銜成試一吹平生知我意惟有此泉知

壽薛同庵七十

草堂風雨晝嘉客且醇醪老去心猶壯狂來興轉高酒

盃寬處放詩客醉時豪昨夜懸明鏡青青照鬢毛

春日新晴

濕烟飛不起春雨夜來深草色纔如染花枝半未禁過
門無俗客擊壤有新吟獨坐東亭下熙然太古心

寄題理夢齋

理夢復理夢夢如江水長達生迷化蝶玩世託炊梁忽
起湯麪口仍留冰炭腸醉醒都兩字畢竟不如忘

哭虛庵陳郡侯

二首

不見古循吏見公良慰心野陰多種樹門靜絕懷金客
醉曹參酒童便閱道琴道南營建處深謝勢家侵

半溪辭我去

半溪謂前守王誕敷也

極口謂公賢素履元隨地幽

居不愧天留臺分道日賜告養疴年一見醇醪醉先聲
不浪傳

施雪谷七十

我少君三歲看君冠且晵漫從今老數已入古稀論詩
價隨時長醫名與齒尊有官無吏事真樂荷殊恩

謝管令尹請春酒

春酒勤相召其如病足何坐慚推我先揖恐答賓多懶
性容清世狂吟和雅歌縣堂廩陛遠十載不曾過

月夜懷素翁

南海滄波遠東山宿霧深清秋連夜月吾道百年心勿
藥聞新報無弦對古琴相思不相見青壁一千尋

病足初愈

人足欣初愈行嫌柱杖多吾詩惟望雨客謫漫懸河山

墅基邊屐江城矢復戈園亭饒竹樹風晚興如何

山中偶成

二首

古寺名泉畔鐘鳴客到初溪山春日畫花柳老人輿遠
眺招無鶴閒居食有魚臥雲呼不起苔隱石牀書

無期還隔夜春事共遊初徑仄花薰蓋坡平草藉輿山
僧勞供茗野客許提魚新句推敲處摩挲石上書

樹兒埋之明日視塚還有感

老年悲不得慟哭付長歌也自吾庭在其如嘉樹何山

林遊興少風雨夢魂多最是傷心處新邱在澗阿

曉起用前韻

苦調無饒語長歌復短歌寒知春每爾雨問夜如何僻
巷門常靜新晴客漸多感時驚物色青草長東阿

華從龍往祇陀讀書詩以問之

別我詩仍物先天第一花新春乘野艇斜日到僧家雨
化曾無力風光漸有涯相遇知不遠石鼎試新茶

送錢以正再赴太醫院

有術能醫國無階可致身孤槎沽海月瘦馬洛京塵心
苦書檠夜情欣藥籠春千秋變契外岐伯是何人

送莫典史

堂上親雙老天涯客早歸他年毛羲檄此日老萊衣晴
嶺穿雲易風灘上水稀曾聞巡按語未父獨知幾

超然堂送麗水酒後漫述

登臺兼賞雨且送遠行人此日尊前醉殊方別後春紅
雲天北極青野海西濱高處君明眼臨分懶重陳

聞姑令人卒追憶水亭子

予友水亭莫如起卒四十餘年矣近得厥

配姑訣感念晴昔不能無言

水亭能共老也屬古稀年此日歌無地他時哭有天言
猶如白日見已及黃泉手植西岡樹霜清月正圓

曉起

拭眼將觀雪翻成聽雨吟暑寒元有候天地亦何心嶺
酒松間細邱沾麥處深幾時還集霰三白抵千金

送馮少府

震澤連三郡官程百里船噭松多隙地監水有餘天惠
博春忻作征寬夜穩眠民風堪采處時致乃翁前

送莫江陵

古來雄勝地今送令君遊星宿連中極江山據上游政
從平處善學向靜中優春雨桑麻綠時登郭外樓

送吳經歷從韶

武衛參文吏西川控貴陽塞平宵檄少幕靜晝吟長江
漢才難盡風雲志未忘量移還有地宣力答君王

送陸海鹽以昭

佐令鹽官去嚴程向海邊千家成邑地一命濟人年晚
聽弦歌市春行斥鹵田南康弓治在異政有超遷

葺跨塘橋成

橋跨東西岸道當南北衝若非今日補幾廢昔人功風
送難驅石天全欲斷虹從茲舟騎客相顧笑談中

獨坐

獨坐復獨坐清齋起自朝冕從閒處却飽向靜中消客

徑遙通市鄰家近隔橋西林聞絡緯幽興晚來饒

避客山堂臥起

生日之明日

臥起聞清磬悠然與境忘秋高山寺靜夕霽海天長避客還逢客餘觴更洗觴老僧知我意隔水和滄浪

詠梅花菊

有菊蒙梅姓寒香亦近之淵明方待酒和靖已成詩雪未滋清骨霜還剩碧枝世間多品彙歲晚汝偏奇

送李司訓宗文之建昌

山水盱江郡諸生喜得師吾遊曾此地君去不同時仙
觀真卿筆鄉倉晦父碑相尋還有暇為我弔磁龜

謂羅景鳴

侍吏

金蓮池上偶成

藉草仍移坐臨池看水流松陰知日午萍色報霜秋渠
曲僧廊轉波澄佛殿浮上方時供茗與客共淹留

風雨之夕子春將別寫懷

別思逢風雨無堂漫置觴客嫌冬日短主恨越天長老

硯三傳世寒燈十起陽西興回首地吳樹正蒼茫

冬日偶過聽松南院

丈室東移去南房自一家樹留不盡葉菊有欲殘花日
昃壺添酒烟消竈熟茶閒行甘淡味休向俗人誇

歸途再用前韻

談餘方外士乘興到禪家雲盡長依竹山寒不見花客
留新卷墨僧試舊爐茶世味吾痴在無官處處誇

送王蒙

夜深猶誦讀扶我出風烟水陸仍千里門墻未一年課
程雖應舉科級本希賢明歲春風裏還來飲此泉

敬止為姚江湯夢卜賦

夢卜東甌忠武王裔孫也

信國河山擔濠梁水木心東來三世近北望兩江深

兩江

謂錢塘繼別還成譜承休欲嗣音詩人桑梓意時託短

長吟

與豐城夏宗選敘別

別子劍江上相逢二十秋鹽車終厄驥漁艇不驚鷗招

隱歌空谷酬知賦遠遊我無徐孺榻山館缺淹留

壽陸野雲

八十稱大耋年來又此翁相人能法眼謂我有仙風世事清談裏家聲遠譜中笑看蘭桂長黃髮碧雙瞳

次杜地官遊惠山

閒登山閣上縱目九峯巔有興還題石多情更飲泉雲棲追舊夢詳見超然堂記風景入新聯異地應同調吾曾守頴

川

杜君扶溝人與許州比境故云

從龍之祇陀林讀書欲往送之不果用韻致意
雲林曾榻處數里到君家松結千年頂梅留二月花情
知資浩博力欲謝浮誇忽起懷人思悠然天一涯

五言排律

追次西涯先生寄題疊嶂樓

涯老題詩在居然見此樓書郵何日到碑刻幾人留樹
色分淮甸江聲接楚流吾登方恨晚誰賦不悲秋六代
孤鴻沒三山片石浮村墟多佛塔野水有漁舟吳越連

諸郡荆揚跨兩州歲年齊始建風景白曾遊謝眺亭偏
古嚴陵石最幽儻非公一語千載若為酬

題畫壽周秉道

鬱鬱顧山樹青連東海天幾家能卜世此老夙稱賢大
隱非居市長生不問仙騎迎侯子左鞭讓祖生先蘭已
充佳佩芹將薦御蓬舟橫江北渚劍倚斗南踵傳業書
籤萬生涯食指千初心三島日晚興五湖烟榻下欣留
客旌招心赴田少微知此野大產值今年獨鶴吟筠畔

群鷗釣石邊
慕親題感惄
懷世賦思玄
人士繙冠雅兒
卽綵服鮮夜深
銷短燭冬煖謝
輕綿永日方嘉燕
清風復大篇
賢甥獻春酒
侑以惠山泉

五言絕句

螢

過樓還繞井
入戶更深老
可觀書卷惟應照我心

蛩

隱隱復悠悠
蟲鳴早應秋
夜涼人未寢
草露濕階頭

菜

二首

菜以甜為姓應須老圃知苦心誰氏子更道饉如飴
此根真可咬不用問康侯鼎鼐非君事徒能白相頭

紫薇花

簇簇繁纓色誰教媚早秋省臣今白首還憶浙中樓

絡緯

絡緯復絡緯一蟲還一蟲年年聲不斷未了禦寒功

蘭

天風一夜霜蕭然見秋野蘭蕙化為茅亦有不化者

菊

秋菊有黃花萬古長如此誰知栗里風却勝南陽水

雪兔

山川雪模糊明視明如月高秋夜氣清猶懷廣寒闕

洗石

二首

汲水洗石牀上有唐時字不用太分明恐損莓苔翠
石上聽松聲松化石不老移石就新松新松數人抱

春日訪知微門焉未應詩以嘲之

剝啄應松聲客去僧未起僧病一春過老却山中杞

小雨過海天亭前飲酒

山風吹雨霽藉草對鄰僧回首淹留地白雲知幾層

偶過聽松聽竹間泉

削壁皴斧痕下有洞如屋積鐵不知年時許莓苔綠

寄司徒孫九峯

二首

江漢雲重阻秋風白髮多相思不相見木落洞庭波

老節曾相倚虛心幾歲寒九龍山下夢夜夜楚江干

王山長歸越燈前酌別

四首

陳榻事已陳不用再三瀆君去閑山齋歲寒兩竿竹
君如蜀山人我愧程叔子往來皆可書山中無野史
點點易忘了山中年復年期君弄春水早渡越江船
鹿洞本無洞鶩湖亦無湖勿謂吾臺小中涵太極圖

題畫

二首

溪上有梅花歲寒心不老不見顧齋翁山中幾春草

微月生西嶺清光日漸多直從圓處滿試問夜如何

隣竹

萬玉裁非易千金買更難題詩問東老須向歲寒看

待月

二首

夜夜待月明每被浮雲苦今夜天無雲月明本如古
月從東海來待月吟正苦素娥本無心不管人今古

雪林

冬老繁華盡山深雪滿林瀟然茅屋下千古歲寒心

警齋

林居事幽討長誦敬齋箴客至論今古時興策勵心

書石泉畫

石泉作溪山信意復信手知音者後豁興在梁溪口

月下推蓬看梅卷

梅花本幽貞月下更奇絕推蓬何處舟孤山夜來雪

觀泉有感

陽城居晉鄙薰德幾千人我亦山林久觀泉愧我巾

蒙齋

鄒君世泰別號蒙齋茲館於吾仲弟璣為諸子師予喜其有養正之心也為賦二首

涓涓山下水日夜遊從東策杖臨流者曾聞說聖功

有美道鄉孫學道如學海海水即吾泉山下真源在

冉涇書院十二詠

曾侍亭

寶初歸養時作也中有屏泥金作仲尼居曾子侍像蓋竊有希賢之志焉

歸養荷天恩孔訓聞自少不敏請事斯如聞提耳詔

容春閣

在曾侍亭右中庋舊藏書凡若干卷扁曰容春精舍先師文正公八分書

也

一堂容萬卷長憶鶴翁詩高閣日增崇老至不自知

燕居亭

即曾侍亭後軒也以朝夕於斯故名之其扁為喬太宰白巖篆

客退解冠裳坐我北軒下我銘揭西楹時時一瞻顧

存一齋

與燕居亭對中置文正公所著吾曾祖府君存一齋銘府君小像歲時一懸之以

展瞻敬

先民遞傳恭惟一益親切齋居誦新銘敬對不敢亵

嘉樹亭

在容春閣南其制廳事也以文正公有此二篆字故扁之楓山章先生嘗

有記今石刻
在存一齋

吾庭有嘉樹種自容春翁百年益封殖人歌召南風

八角臺

以石子為之在存一齋前上有八卦象山中作點易臺實始於此

齋前壘石臺臺有八卦象山中點易時如坐茲臺上

蘭畹

在八角臺西其數凡九每畹藝蘭九本

凡八十一本舊傳宜興山中蘭移栽他處止花一年故

欲以多勝之

滋蘭自騷人香草以比德九畹如井田惟馨亦充塞

思濂沼

在曾侍亭右甃石為之中種荷花故有濂溪之思焉上有小石梁以通往來

蓮有君子德愛多知者鮮淨植起香風汚泥任淺深

光霧橋

即所謂小石梁也

觀蓮憶濂翁因得風月趣忽然光霧生乃在過橋處

靜深徑

新植竹數十挺徑當其前故名

新竹依舊徑竹長徑益深青春白晝永愛爾君子心

圭冕二石

在曾侍亭前左右如露冕

石出東野山其形各有似如冕復如圭堂名稱曾侍

雪浪石菖蒲

在嘉樹亭前石自翁名齋者類今種蒲其上立石

盆中如屏之狀
故又名屏蒲

坡翁愛茲石銘在蓮花盆吾以種菖蒲珍重如前聞

慧山書院十五詠

忠定祠

忠定宋丞相李公綱也公之先邵武人自其祖始居無錫其父修撰公夢及母吳令人皆葬湛峴山公嘗廬焉

自號梁溪居士亦鄉先生也故祠

梁溪深十尋湛峴高萬武我作李公祠春秋薦牲醑

湍澗

在忠定祠右泉自十賢祠下至此凡歷六池以匯再越一池則下田矣水是以

湍

七池流且匯一水猶在山縈迴忽成丈至此將下田

野橋

湍澗之上山水衝而成汪北轉為別澗當轉處橋馬雜木石為之殊有野致

亂石衝徑來徒杠接石砌拔斷謝遊人水淺人猶揭

雲階

由野橋有徑西上夾樹松柏迤邐三百步許復門焉故曰雲階

石磴穿雲上懸崖自此升誰言風可御須信氣堪乘

靜清深處

入雲階門而上地位清迥仰見山色如在只尺厯級而門泉且通矣

曰靜清者取周子通書語也

何處靜而清蒙泉出山下觀物本無心一原窮萬化

海天亭

亭東北向在泉之前因思其所歸故名之有記

兀坐山亭下悠然海上天歸墟無盡藏須記始流年

超然堂

堂在海天亭左其向畧同前臨平野及蓮蓉湖遠對江陰之定山有百尺

之樓之觀焉三十年前予在許州夢登尚書臺有此題額因榜之今望中所見皆與

夢叶詳

在予記

夢中得嘉名卅載乃斯宇珍重病餘身優游荷天予

吟松个

即超然堂左室也

風來松有聲洒洒當左个我吟本無心松亦何心和

詠竹个

即超然堂右室也
二个皆夢中所見

新栽竹數竿竿竿挺蒼玉我歌竹和之步轉闌干曲

泉齋

即超然堂後軒也齋作而泉忽出其前
今名滴露因以先師文正公所書二大

字揭之

出山如在山名齋敢忘本鑑裏看青天不爲泥沙混

點易臺

在泉齋之南滴露泉之北以石爲之上有一圓石象太極二隨石象兩儀

四隨石象四象臺有八角則卦形也
見素先生登而贊馬刻太極石上

有象本通玄義不在句讀道人坐高臺忘言對蒼岫

滴露泉

在點易堂南壁下其來甚微滴而不留故取唐人詩語名之

滴滴出石間初疑松上露點易日有程還應周天度

兩知亭

在超然堂左南向中奉文正公石刻畫像先曾祖存一府君像刻嵌石壁

先友希翁所作渙然亭銘嵌左壁曰兩知者取文正公贈予東歸詩我歌泉和兩知音意也

天涯一歸客海內兩知音萬古泉聲在應知此老心

瘞卷邱

在點易堂右中藏江西視學時小試文三萬餘卷贊石爲邱予銘其上

吾道方施行懷之不勝卷故物穴名山虹光起避睂

望闕巖

直海天亭西上紓徑數百步出松柏間有巖焉巖頂有平石可西北望景

時至馬則人扶以拜祝曰萬壽無疆因作石香爐篆刻其上云云登巖道中有數黃

石錯立徑側予大書刻之曰山水之間曰風塵之表曰人間天上

東南海一隅天闕勤望眼登拜想氤氳殿上香爐篆

除夕勲姪送紅酒

紅酒桃花色東風吹更鮮將情來舊宅送喜入新年

遣暑四事

清泉白石子置之古銅鑄泉出此山中石來漢江水

兩峯瀉寒泉石菴得意筆懸之堂西偏白日風蕭瑟
淨掃席間地周旋僅函丈矮几置中央坐愛爐烟上
桔槎種菖蒲盆水半欲沒露珠上葉稍愛爾仙靈物

容春堂續集卷二